

# ხაშურის მუნიციპალიტეტის საკრებულოს

დადგენილება №1  
2022 წლის 10 იანვარი

## ხაშური

„ხაშურის მუნიციპალიტეტის ორგანოების სამსახურებრივი უფლებამოსილებების განსახორციელებლად საჭირო ავტოპარკის გადანაწილების, კლასიფიკაციისა და სამსახურებრივი ავტომანქანის შესყიდვის წესის დამტკიცების შესახებ“ ხაშურის მუნიციპალიტეტის საკრებულოს 2019 წლის 5 ნოემბრის №27 დადგენილებაში ცვლილების და დამატების შეტანის თაობაზე საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის მე-2 პუნქტის, 61-ე მუხლის 1-ლი და მე-2 პუნქტის, „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის და „სახელმწიფო ავტოპარკის გადანაწილების, კლასიფიკაციისა და სამსახურებრივი ავტომანქანის შესყიდვის წესის დამტკიცების შესახებ“ საქართველოს მთავრობის 2014 წლის 6 თებერვლის №121 დადგენილების საფუძველზე ხაშურის მუნიციპალიტეტის საკრებულო ადგენს:

### მუხლი 1

შეტანილ იქნას ცვლილება „ხაშურის მუნიციპალიტეტის ორგანოების სამსახურებრივი უფლებამოსილებების განსახორციელებლად საჭირო ავტოპარკის გადანაწილების, კლასიფიკაციისა და სამსახურებრივი ავტომანქანის შესყიდვის წესის დამტკიცების შესახებ“ ხაშურის მუნიციპალიტეტის საკრებულოს 2019 წლის 5 ნოემბრის №27 დადგენილებაში (ვებგვერდი [www.matsne.gov.ge](http://www.matsne.gov.ge) 08/11/2019 010250050.35.143.016566) და დადგენილების:

ა) პირველი მუხლით დამტკიცებული დანართი №1-ის მე-2 მუხლს დაემატოს ბ<sup>1</sup> პუნქტი შემდეგი რედაქციით:

„ბ<sup>1</sup>) განპიროვნებული ავტომობილი – ავტოსატრანსპორტო საშუალება, რომელიც იმყოფება კონკრეტული დაწესებულების ბალანსზე და გადაცემულია სამსახურებრივ დროებით სარგებლობაში დაწესებულების კონკრეტულ თანამშრომელზე“;

ბ) პირველი მუხლით დამტკიცებული დანართი №1-ს დაემატოს 3<sup>1</sup> მუხლი შემდეგი რედაქციით: „მუხლი 3<sup>1</sup>. განპიროვნებული ავტომობილით მოსარგებლე თანამდებობის პირები: განპიროვნებული ავტომობილი შეიძლება გააჩნდეს შემდეგ თანამდებობის პირებს:

ა) ხაშურის მუნიციპალიტეტის მერი;

ბ) ხაშურის მუნიციპალიტეტის მერის მოადგილე/ები/;

გ) ხაშურის მუნიციპალიტეტის საკრებულოს თავმჯდომარე“;

გ) მე-2 მუხლით დამტკიცებული დანართი №2 -ის მე-3 მუხლი ჩამოყალიბდეს შემდეგი რედაქციით:

**მუხლი 3.** III კლასის მსუბუქი ავტომობილი გამოიყენება შემდეგი დანიშნულებით:

ა) ზოგადი დანიშნულებით:

ა.ა) სამორიგეო;

ა.ბ) მომარაგების;

ა.გ) თანამშრომლების ტრანსპორტირებისათვის ქვეყნის მასშტაბით;

ბ) განპიროვნებული“.

### მუხლი 2



დადგენილება ამოქმედდეს გამოქვეყნებისთანავე.

ხაშურის მუნიციპალიტეტის  
საკრებულოს თავმჯდომარე

ნინო ლიპარტელიანი

